

Chhuah òan : October 1984

RAMTHAR

MARCH



2025

March 15
CHANCHIN THA THLEN NI CHIBAI



RAMTHAR BOARD EXECUTIVE MEMBER 2025-2027



- Thu:** Rev. R. Vanlalnghaka, Rev. R. Lalhmingsanga, Rev. Dr. Rosiamliana Tochwang, Rev. R.C. Lalnghakliana, Upa Vanlalsawma Siakeng, Upa Lalṭhahluna Ralte, Rev. C. Sapaika
- Ding:** Upa Saithanzuala, Upa Lalhmuchhuaka, Upa P.C. Liankunga, Rev. Dr. Lalchawimawia, Rev. Dr. C. Lalramchhana, Rev. Lalfakzuala, Rev. R. Lalrinsanga, Rev. P.C. Lalbiaktluanga, Upa F. Lalremthanga, Upa S. Lalthanga
- Awm lo:** Upa C. Lalmalsawma

SERMON

Ram lah chu lăk tùr a la tam mai si a

Phêk

9 - 12

KUM 41-NA

MARCH 2025

BU 469

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2025 - 2027

<i>Editor</i>	Rev. Dr. C. Chawngmngliana	RAMTHAR
<i>Joint Editors</i>	Upa Lal̄hahluna Ralte	BIAK PAWHNA
	T. Upa T. Lal̄chhuangliana	
<i>News Editor</i>	Pi Ruth Lal̄hmangaihi	8974694225
<i>Circulation Manager</i>	Pu Lallawmnakima Hmar	
<i>Publisher</i>	Rev. R. Lal̄hmingsanga	
	Member-te	Office hun
Rev. R.C. Lal̄nghakliana	Synod Moderator	chhúngin biak ni
Upa Vanlalsawma Siakêng	Synod Secretary (Sr.)	thei se.
Rev. Dr. Rosiamliana Tochhawng	Executive Secy., i/c Mission	Hun dangah
Upa C. Lalmalsawma	BEC Member	chuan Call lovin
Upa S. Lal̄thanga	BEC Member	Message hmanga
		biak ni thei se

Thu chhuah tûr nei chuan hêngahte hian a thawn theih e:

1. Editor/Cir. Manager, Ramthar Chanchinbu,
Synod Office, Aizawl, Mizoram - 796001
2. Email: ramtharchanchinbu@gmail.com
3. Whatsapp: 8974694225

Ramthar Chanchin bua thu chhuah hi a ziaktu mawhphurhna a ni.

SYNOD MISSION BOARD HOTUTE

Rev. Dr. Rosiamliana Tochhawng	Executive Secretary
Rev. R. Lal̄hmingsanga	Secretary
Upa Lal̄hahluna Ralte	Coordinator

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawcháng	1
2. Keimahni	2
3. Missionary tána Ramthar lâksaktute (2024)	2
4. Field chanchin thar - Lucknow	3-8
5. Sermon	9-12
6. BUH HMUN AṬANGIN:	13-19
(1) North Chandigarh lam aw	
(2) Krista hmangaihñain min tír lui	
(3) Bairabi Bial Ramthar Inkhâwmpui	
7. Kum sùl liam hnu	20-22
8. Pathian hnaih	23-26
9. Balighat Biak In hawn thu	26-28
10. Ramthar Feh	29-32



CHANCHIN ẸHA HRIL LO TA ILA



Mizorama Chanchin Ẹha lo thlen champhaphâk a lo thleng leh ta reng mai. Mizo pi leh pu ten ramhuai leh thing bul lung bul an biaka, ramhuai hnêna inthâwina an hlan tlut tlut lai khân Khasi rama Sâp missionary, Rev. William Williams khân Mizote thlarau lam dinhmun a vei hle a. An hnêna Chanchin Ẹha hril tûr leh rawngbâwlna hmun tûr thlithlaiin ni 15 March, 1891 khân Mizoramah a lo tla lût a. Rei tak chám hman lo mah se, Mizorama a chám chhúnga Ẹhahnemngai taka Chanchin Ẹha a hril avàng khân chu ni pawimawh tak mai chu Mizoram Synod chuan Chanchin Ẹha thlen Ni atán a lo pawm ta a ni. Rev. William Williams hi Mizorama Chanchin Ẹha rawn hril hmasa bertu a nih avàngin Mizoram a lo luh ni hi ni chhinchhiah tlâk tak a lo ni ta a ni.

Mizoram Kohhran pawhin Chanchin Ẹha a dawn aṅga rei vak lovah Ẹhenawm state-ah Chanchin Ẹha chu a puang darh ve nghâl mai a. Ringtute leh Chanchin Ẹha hril hi lâk hnan theih loh thil inkawp tlat a ni. Chanchin Ẹha pawmtu chu Chanchin Ẹha hril darh lovin a awm thiam lo. Thlarau bo pakhat tal Isua hnêna hruai loh chuan hrehawm an ti ngawih ngawih Ẹhin. Tirhkoh Paula chuan Chanchin Ẹha hril chu tihmâkmawh a kova innghat, a hril avànga inchhuanna tûr eng mah a awm loh thu a sawi rualin, “*Chanchin Ẹha hril suh ila ka chung a pik dáwn si a,*” a ti hial a ni. Tlangval pakhat piangthar hlim hi thih ngamin a dam lo va. Hrehawm a tiin a lungngai êm êm mai a. A Ẹhianpa chuan, “*Engati nge chuti taka i lungngaih ni? Isua i nei tawh a ni lo’ m ni?*” a ti a. Ani chuan, “*Piangthar tawh e, thih chu ka hreh lo; mahse, thlarau bo pakhat pawh chhan hman lova ka awm hi hrehawm ka ti a ni,*” a ti a. A ropui hle mai

Keini ve hi Chanchin Ẹha hril lo ta ila kan chung a pik ve dáwn em? Kan la mu tui viau tho dáwn em? Hrehawm kan ti ve ang em?



KEIMAHNI† **TUARPUINA:**

(1) Pi C. Lalsawmi (81), Champhai Vengthlang, Pu TBCH Lalsangkima, Asst Headmaster, Bungtlang 'S' (*Home Mission South*) nu chu ni 30.1.2025 khán cancer vângin a thi.

(2) Pi Sangzawni (83), Haulawng, Pi C. Lalbiaknungi, Evangelist Teacher, Burburia (Tripura Mission Field) nu chu ni 1.2.2025 khán cancer vângin a thi.

(3) Pi Lalhmingliani (70), Hlimen, NI. Lalrinkimi, Evangelist, Bahundagi (Nepal Mission Field) nu chu ni 2.2.2025 khán cancer vângin a thi.

(4) Upa K. Pachhunga (86), Sihfa, Rev. K. Vanlahriata, Field Secretary (Patna Mission Field) pa chu ni 15.2.2025 khán Alzheimer vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

**MISSIONARY-TE TÂNA RAMTHAR
LÂKSAKTUTE 2024**

(February thlaa mi chhonzawmna)

1. Tuikhuahtlang Kohhran	723	43,380
2. Pu Ngurnunsanga, W. Phaileng Dinthar	4	240

[Missionary-te tána Ramthar lâksaktu zawng zawngte chungah kan va lâwm êm! Missionary-ten a thlàwna Ramthar an chhiar theih phah bâkah Ramthar kal zêl nána a kila lung tangkai tak in ni e. - Editor]

**FIELD CHANCHIN THAR
LUCKNOW JAIL RUN THIMAH KAN
RAWNGBÀWLPUITE**

*Rev. Dailamthanga, FS
Lucknow Mission Field
Mobile No: 8787324957*



Ajmatullaganj khua hi Raebareli Pastor Bial chhúnga awm a ni a. A hma chuan Fellowship a ni thìn a. Member-te hi pitar leh putar, nupa chauhva khawsa an nih avàngin *Field Working Committee* chuan House Church-ah a dah lêt a. Ni 5 January, 2025 (Pathianni) khán Bialtu Pastor, Rev. Lalzedanga leh Pu Vànalhuma Zadeng, Evangelist, Raebareli te chu bial fan pangngai a remchan dáwn tawh loh avàngin Sacrament òh tìn Ajmatullaganj panin pastor motor-in an kal a. Chhùn dár 12:00 vèlah an thleng a; an kalna tùr in kawtah motor a dah theih loh avàngin a luh hma deuh àwl remcháng laiah dah an tum a.

Chumi bulah chuan mei lum aiin mi 4/5 vèl an awm a. Chùng mite chuan an motor chu chulai hmunah chuan dah lo tùr in an ti a. *‘Kìr leh mai tùr em ni dáwn le?’* tiin an inkháp a. Mahse, kan member Pu Nanhu Singha hian, *“Harsatna a awm lo vang,”* tiin, motor pawh chu hmun dangah an dah a. Hun rei lo tê an hmang a - òwngtáinate neiin Sacrament pawh an òh a.

Chumi hnua thingpui an in zo, haw tùra an chhuak chu *Police* an lo thleng a, an buai ta deuh nghâl mai a ni. An inkhâwm chhúng hian a khaw chhúng mite hian Rashtriya Swayamsevak Sangh (RSS) te punin, *Police* an lo va *phone* a lo ni a. Dár 1:00 báwr vèl a ni a, an man nghâl a. Harchandpur *Police Thana* lamah an hruai nghâl a. Chutah chuan RSS-ho

pawh an lo awm luih luih tawh a lo ni a. An au rual a, '*Jail-ah dah lût rawh u,*' tiin. An han tih nek nek chhúngin khua a lo tlai a, Raebareli *District Jail-ah* an dah lût ta a ni.

Motor-a an awm laiin, putar (an va tlawha) *phone* hmangin Pastor hian a nupui a *phone* a; man an nih thu leh *Field Secretary* lo han hrilh tùra a tih thu chiah a sawi hman a. Pastor nupuiin *Field Secretary* a rawn *phone* hnu hian '*Tih theih a awm lo'm ni?*' tiin, kan Ukil lamte leh hma la thei tùrte kan han be kual a. Nimahsela, *Police Thana-ah* hian RSS lamte an lo awm vek tawh avàngin *Police* lam *pressure* an lo pe nasa tawh a, tihngaihna a awm ta lo a ni. FIR an theh lût hman bawk a. FIR hi kan member putar, Pu Nanhu Singh-a hmingin a ni leh nghâl a. Ani hi an ko va, "*Hetah hian i hming ziaak rawh,*" tiin an ziahtír a. FIR a ni tih pawh a hre lo. A hnua a han hriat phei chuan a hminga FIR ziah a ni kha a pawl a ti lutuk a, a òap tawp mai nghe nghe a ni.

Chutiang boruak a nih avàng chuan ruahmanna kan han siam a. '*Pastor Lalzedanga nupui fanaute hi Field Office lamah hruai chhoh phawt ni se,*' tiin a zàn a zànin Lucknow lamah hruai chhoh an ni a. Pu Vànlahuma Zadeng nupui, kan Nurse Pi C. Ngaihkimi erawh chu December 2024 khán nau nei tùrin Aizawlah chawlh hmangin a chho tawh a.

'*Eng pawh ni se, Jail lamah tlawh phawt ni se,*' tiin a tùk ni 6.1.2025-ah Pastor Mazea nupui, Pi Mami leh kan rawngbàwlpui Dr. Charles Lalnunfela ten an zu tlawh a. '*Khua a vawt si a, an inha lum bawk si lo va,*' tiin, an mamawh nia kan hriatte an keng bawk a. Nimahsela, *Jail-ah* hian Lalpa a lo zuk awm hmasa a lo ni a. An lo duhsak êm êm a, '*Khua a vawtin puan lum an nei si lo va,*' tiin, táng dangte hian an puan lumte an lo thuah a, ei tùrte pawh an lo duhsak hle mai a lo ni a.

Kan rawngbàwlpui, Alliance Defending Freedom (ADF) lamte nëna inbe zêlin intlan chhuah (*bail*) kan dîl zui nghâl a (*ADF te hi Kristian Ukil intel khâwm an ni a. Kristian nih vâng dik lo taka beih tâwkte tán an ding thìn. Mizoram Synod nën pawh kan thawk ho a ni*). Dàn hre mite nën tih tùr eng eng emaw a awm avàngin hmanhmawh taka tih zung zung theih pawh a ni lo va. Chutiang chuan an mamawh te chu a khát tâwkin *Jail* lamah tlawh pahin kan zuk pe zêl bawk.

Bail hi tihfel mai kan han inring viau a. Nimahsela, an thu buai (*case*) hi a namai lo viau a lo ni a. Uttar Pradesh (UP)-ah hian 2020 khán Sakhaw danga inleh khapna dàn hi Governor pawmpuinain hman òan a ni a. 2024 August-ah Assembly-ah siam òa (*amend*) lehin, a hma aia khirh zâwkin, a hremna pawh nasa zâwkin, *bail* mai mai theih lohvin dàn an lo siam a. Nimahsela, kan han buaipui zêl a. Kan Pro Pastor a òangkai êm êm a. Ani hian nikumah kan *Field Worker* pahnihte hetiang thil avàng bawka an man, Barabanki *District* lama mi a lo buaipui hrep tawh bawk a. Amah hnam òa a lo ni a, chincháng a hre bawk a. Kan ukilte nën inberáwn zêlin hma kan la a.

Thu buai sawi (*hearing*) hun hmasa ber atán ni 16 January ruat a ni a. Nimahsela, *Judge*-in, “*Police lam thu leh hla ka hre duh e,*” a tih avàngin ni 16-a nei tùra inngai kha an tikhawtlai leh a. Ni 20-ah an sawn a, ni 22-ah an sawn leh a, a tàwp nán ni 23-ah an sawn leh a. Ni 23.1.25-ah chuan *bail* min phalsak ta a ni. *Bail* phalsak an ni tih kan hriat hian kan lâwm hle a. Pu Vànlahuma Zadeng pawh a nupui Pi C.Ngaihkimi pawhin hemi ni hian naute, mipa a lo hring ve chiah bawk a, a làwmawm hle.

Bail min phalsak leh kan *bail* inkár hi a rei khawp

mai a. Chumi chhúng chuan *bail*-tu tùrte zawn a ngai a, tih tùr neuh neuh a awm a, ni hnih khat maia tih zung zung theih a lo ni lo va, hun rei tak nghah a ngai a, a hmanhmawh theih loh a ni.

Tichuan, *bail* tùra ngaite kan han ngaihtuah nghâl char char a. Mi pakhat *bail* tùrin mi pahnih zêl a lo ngai a. A *bail*-tu tùr hian dahkham tùr ram lehkha (*document*) felfai a neih a ngai bawk a. Kan *Field Worker*-te ka han ngèn a; mahse, tu mahin ‘*Ka bail ang e,*’ an ti bawk si lo va. Ngaihtuahna a kal thui duh hle. A tàwpah chuan mi pali inpe thei an awm ta a. Nimahsela, *bail*-tu tùr hi kan ukilin mi dang a lo ngaihtuah thei dâwn tih kan hre leh a, a ziaawm ta.

A tàwpah chuan ‘*Ni 5.2.2025-ah an chhuak thei dâwn e,*’ tih kan hre ta a. *Bail*-a chhuakte pawh hi zàn lama chhuatir an ni thìn a. ‘*Lucknow atangin i zuk hmuak ang,*’ kan ti a, kan kal a. Dár 6:45-ah *District Jail* atangin dam takin an lo chhuak a, Pastor Quarters-ah dam takin kan inhmuh leh thei ta a ni. An hrisèlna pawh a tha a, an chêr deuh a. *Jail* chhúngah hian harsatna an nei lêm lo. ‘*Chaw ei a harsa deuh va, pawisa neih chuan lei tùr chu a awm ve reng thung,*’ an ti! *Jail*-a an tàn chhúng hian hna hahthlâk an thawk lo va. Mite hriat bîk leh duhsak bîk pawh an hlawh viau a ni. An hmél a danglam bawk a, miten an chungah that an chhuah hle. A hma lama kan sawi tâk ang khán *Jail*-ah hian kan Lalpa hi a lo awm hmasa ngei a ni.

Chanchin Tha avànga *Jail* hial an thleng hi anmahni pawhin hrehawm an ti lo va. Tirhkoh hmasate ‘*Chu hming avànga tuar ve tlâka ruat an ni kha an lâwm êm êm*’ ang khán anni pawhin tuar ve nia inhriain an lâwm êm êm a ni. Kan unaute harsatna tawhah hian Pathian ropuizia nasa tak a lang a. Kohhranhoten, abikin Mizoram puma kohhrante ÷awngtâina

nasa tak Pathianin a chháng a, làwm thu kan sawi a ni. Kan rawngbàwlpuite, Pro Pastor leh a puzawn, kan tirhkohte an ÷angkai êm êm a. A ÷ûl ang apiang ngaihtuahin an phe vat vat reng a, a làwmawm hle a ni.

Kan kohhran hruaitute leh SMB hotute nèn kan inbe pawp reng a. Kan harsatna min hriatpuiin, rem fel takin min ruatpui a, min fuihin min tichak nasa hle a, min ngaihven reng bawk a, kan làwm êm êm a ni.

Tûnah hian *bail* chauh an nih avàngin an thu buai hi la chin fel loh a ni a. An motor leh *phone* te hi an hrènsak bawk a, la chhuak tùrin kan bei mék. Mihring *bail* ang bawkin motor dang *document*-te nèn lâk chhuah theih mai kan inbeisei bawk a, hmabâk thui tak kan la nei a. FIR theh lûttu hi kan mi leh sa a nih avàngin thu buai hi hnuh kîr kan tum a, *affidavit* pawh theh luh tawh a ni. Kohhranhote ÷awngtaipuina nasa tak kan la beisei reng bawk.

Kan sawi tâk ang khán, *Uttar Pradesh Prohibition of Unlawful Conversion of Religion* hi khauh taka hman a nih tawh avàng leh Hindu-ho hi an sakhuaah nasa taka ÷ahnemngaih harhna an neih avàngin Chanchin ÷ha hi nasa taka dodâl a ni a. Tu pawh mai hi héktua ÷ang thei vek an ni. Helai hmunah hian ‘Sakhaw danga inlehna (*conversion*) an kalpui,’ an tih chuan dâwt pawh ni se, a thu a lian êm êm tawh a ni.

Kan naute pawh hi a nihna takah chuan dâwt chiang taka hêk an ni. Hêknaah chuan, ‘**Mite ringtuah siamin pawisa an pe a; hna an tiam a, hamthatna hrang hrang an tiam,**’ tih a ni. Nimahsela, thiam thu sawi theih a ni lo. *Police* pakhatin Pu Mahuma henah heti hian a sawi a: “UP-ah hian hmun hnih hmun thumah bomb chak tak tak thlâk rawh u.

Kan CM hian engah mah a ngai lo vang. Nimahsela, hetiang hi in ti zêl dâwn a nih chuan a huat ber a ni a, kan man zêl ang che u,” a ti a ni. Chu chuan Chanchin Ṭha an dodàlzia a tilang mai àwm e.

Ni 9.2.25 (Pathianni) khán Lucknow khaw chhúng Gomti Nagar-ah pawh ringtute inpàwl honaah kalin, *police-*ten mi eng emaw zát an man a, thubuai (*case*) an siamsak bawk. Thingtlángah a him lo va, khawpuiah pawh a him chuang lo. Nimahsela, Chanchin Ṭha hi ralmuanna hmunah chauh hril tùr a ni si lo va; a harsatna hmunah ngei hian an mamawh zâwk si a. Kohhranhote hian kan missionary-te tán leh Chanchin Ṭha a lo darh zau zêl theihna atán kan ṭawngṭai nasat a ngai lehzual a ni.

Tin, hemi ruala kan hriat tel tùra pawimawh chu - tuartute kan inlaint ṭhìn hi a làwmawm rualin, huaisen tùra infuih leh inṭawngṭaisak hi kan mamawhin a lang. ‘Missionary-te hi a nihna takah chuan tuar huama inpe, tuar tùra chhuak, a ṭùl chuan thih chilh tùra inpe an ni,’ tih hi kan hriat thar a ṭha hle. Chanchin Ṭha avànga tuar, kan rawngbàwlpuite hi tuar zêl ngam tùra huaisenna nei tùrin i ṭawngṭaisak zêl ang u.

UP-ah hian Chanchin Ṭha vànga *Jail* táng, an thu buai tihfel loh leh *bail* loh hi mi tam tak an awm a ni. Hun kal zêlah pheih chuan kan in-*bail* theih loh hun te pawh a la awm ang a; hêng aisa nasa a kan tuar a ṭùl hun pawh a la thleng ang. Chutiang tùr chuan Kohhranhote pawh inring ila, missionary atána inpe tùr leh inpe mékte pawhin TUARNA hi Chanchin Ṭha hril nèn a kal kawp tlat tih hre thar ila; tuar huam lo leh tuar ngam lo tán Chanchin Ṭha hril (*mission*)-ah hmun a awm lo a ni.





SERMON

RAM LÂK TÙR A LA TAM MAI SI A

Chhiar tùr: Josua 13:1

Rev. Lalchhuanmawia

Chbinga Veng

Mobile No: 9615952406



‘Chanchin Ṭha Thlen Ni’ kum 134-na champha kan lo thleng leh ta. He hun min hruai thlengtu Lalpa chu fakin awm sela! He hun làwmawm tak denchhen hian kohhranten Chanchin Ṭhaa ‘Ram’ lâk tùr la tamzia hi i ngaihtuah nawn leh ang u.

Lalpa chhiahhlawh Mosia chu Lalpan Nebo tláng, Pisga tláng chhîp aṭangin Gilead ram zawng zawng, Naphtali leh Ephraim ram zawng zawng, Manase leh Judai ram zawng zawng, a thlang lam tuifinriat thleng, Chhim ram leh Túm khawpui Jeriko phairuam, Zoar thlengin a entír a. Mosia hnênah, *“He ram hi a ni, Abrahama te, Isaaka te, Jakoba te hnêna ‘I thlahte ka la pe ang,’ tia chhechhama ka lo tiam kha; a hmuh zawng ka hmuhtír phawt chia; nimahsela, chutah chuan i kal lo vang,”* a ti a (Deut 34:4). Mosia chu ram tiama luh ve a rem loh avàngin mawh-

phurhna chu Joshua kutah hlan niin, Joshua chuan Kanaan ram luah tùrin khawpui ropui tak takte lain, ram tam tak a la tawh a ni. Hetih lai hian Joshua pawh a lo upain a lo tar ve tawh hle a ni. Nimahsela Lalpa chuan a hnênah, *“I lo upain i lo tar ta hle a, ram lah chu lâk tùr a la tam mai si a,”* tiin chàwl mai thei a la nih loh thu hrilhin, ram la lâk belh zêl tùr pawh a kawhhmuh zui nghâl a ni.

Kum 1891, March ni 15-a Rev. William Williams-an Laldokhama Veng (Tûna CID Tláng, Bungkawñ) a lo thlen a, thla khat dáwn Pathian

thute sawia hun a hman aṅanga kum thum emaw laiah Zosap missionary te, Pu Buanga leh Sap Upate lo thleng leh in Chanchin Ṭha chu theih ang angin an hril nghâl a. Kohhrante lo ding zêlin Chanchin Ṭha chu hril zêl a ni a; kum rei lo tê chhúngin Mizo zawng zawng deuh thaw chu Kristian kan lo ni hman a nih kha. Mizo ringtu hmasate khan la ring ve lote veina an nei nghâl a. An thiam ang tâwkin, *'Isua hi lo ring ve rawh u,'* tiin ringlote inah an kal kual a. Chutah ringlo khaw danghte an kal chhuak bawk ṭhìn. Chu pawh chu duh tâwk mai lovin, Káwl ramah te, Manipur leh Réng ramah te hial Chanchin Ṭha hrilin an kal bawk a ni.

Mizoram Presbyterian Kohhran hian a din tirh aṅangin Chanchin Ṭha hrilna lamah nasa takin hma a la a, kawng tam takah hlawhtlinna ropui tak tak pawh hmuh tùr a awm a ni. Kohhranten nasa takin ṭan kan la tláng a. Ramthar rawngbàwna thilpêk leh

www.mizoramsynod.org

Missionary chàwmna thu-ah te, missionary atána mahni inpêk-na lamah te nasa takin kan harh thar a; tûn din-hmunah pheih chuan (*Science leh Maths zirtír thei tih loh chu*) missionary atána lâk sên loh khawp hial díltu kan nei pawh kan ti thei àwm e.

India ram chhúngah Mission Field 16 (Nepal tiamin) leh Home Mission North leh South, Masihi Sangati bâkah Cambodia, Bolivia leh Mission Páwl hrang hrang kan thawh hopuina, India ram chhúng leh páwnah, a ram mi thawktu leh missionary 2,700 vêl kan nei mék a. Hêng zínga missionary pangate hi khawvêl ram dangah an thawk mék a ni.

Kohhranhote ṭawngtaina leh missionary-te thawh rimna Pathianin mal a sàwm a, January-December 2024 chhúngin ringthar baptisma chang pawh 8,356 zet kan nei a ni. Tangka kum liam taa ₹ 1,000 hisápa kohhranin missionary kan chàwmna tling

khâwm pawh ₹ 49,49,59,000 a tling a. Hei hian ₹ 1,000 hisápin missionary 4,94,959 châwm ang kan ni. A ropui khawp mai, kohhran hrang hrangte inpêkna rah a ni. Missionary 100 leh a aia tam châwm thei hi kohhran thahnem tak an awm.

Pathian Ram Ipa Ramthar leh thawktu Chàwmna bâkah Ramthar Field hrang hranga kan mamawh, *budget*-a dah chi loh leh dah hman loh mamawh tam tham tak, *Project List* tiin kohhran thahnem takin an rawn chháng thìn te hi a va làwmawmin, a va ropui êm! Khawvêl hmun dang leh India ram hmun dang ațanga kan Ramthar rawngbàwlina chanchin hria apiangin mak an tiin ropui an ti a. Mizoram Presbyterian Kohhran hi an fak thìnin, mi dangte hnênah entírna atán an sawi chhuak ve fo thìn a ni.

Aw le, heti tak hian Chanchin Tha rawngbàwlina hnaah kohhranten sum, thâ leh ngaihtuahna pawh kan

www.mizoramynod.org

séng hnem a ni mai thei e. Nimahsela, Lalpan Joshua hnênah “*I lo upain i lo tar ta hle a, ram lah chu lâk tûr a la tam mai si a,*” a tih ang hian kan thawk hnem tawhin kan hah viau tawh pawh a ni mai thei e; mahse, khawvêl ram dang chu sawi loh, kan India ram chhúngah ringawt pawh thawh tûr a la tamin, Lalpa tana ram lâk tûr a la tam êm avàng hian hahchàwl mai thei kan la ni si lo va.

Upa Hriatan, ‘*Chàwl hman kan ni lo, muang thei kan ni lo; chawlhna nuam khi kan thlen hma zawng*’ a lo tih angin leh, Tirhkohvin ‘*Eng pawh ni sela, kan thlen chin ațang khan hma i sâwn zêl ang u,*’ (Phil 3:16) a lo tih ang hian hma sâwn zêl tûra kan puan ven kan sawi chhìn sauh sauh a ngai a ni.

Field hrang hranga kan rawng-bàwlinaa hma lâkna kawng hrang hrangah hian thawktu missionary a ni emaw, thawhna tûra sum a ni emaw, a eng amah hi duh khawp kan la nei zo lo vek

niin a lang! Field aṅanga missionary dīl mamawh pawhin inthlahrung takin a tlēm thei ang ber an dīl ngam chauh ṭhìn.

Ṭhahnemngaih viau pawha hma han lâk deuh dāwn pawhin tūn dinhmunah hi chuan hma lâk chak hluai ngaihna a la awm lo a ni ber e. Kan thawhlāwm te hi a tam viau tawh emaw kan tih lai hian ram páwn (*foreign*)-a missionary intīr tūr chuan khawvêl ram hausā deuhva Mission Páwlte kan thawhpui a nih loh chuan keimahni mai hi chuan kan la tlin lo a ni.

Min hringtu kohhran, Wales ram te pawh kan vei viau va; amaherawhchu, anmahni ram puihna leh thawh hona aṅang lo chuan kan Synod sum aṅang ngawt hi chuan kan la tlin lo a ni ber. Chuvàngin, mi dang puihna tel lova khawvêl hmun

danga Chanchin Ṭha hril tūr chuan nasa taka kawng engkima ṭan kan lâk a la ngai a ni.

Kan Chanchin Ṭha rawngbāwlna beitham tak avàng hian Pathianin min chawimawiin, khawvêlin hemi avàng hian min hre ta hle mai. Kohhran leh mission páwl tam takin thawhpui min châkin min sáwm reng tawh a. India ram mai ni lovin, South East Asia ram hrang hrang - Thailand, Vietnam, Laos leh ram dangah pawh thawhpui atán min sáwm nasa hle. Khawvêl tawp thlenga Chanchin Ṭha kan hril darh zêl theih nán **‘kan thlen chin aṅanga hma sâwn zêl’** tūr leh **‘ram lâk tūr a la tamzia’** hriain Kohhranhote ṭawngṭai leh thilpêk nèn theih tawpin i thawk zêl ang u. Chhiartu zawng zawngte Pathianin malsáwm che u rawh se! Amen.

James Calvert-a leh a ṭhiante Fiji thliarkára hring eiho zínga missionary-a an kal dāwn khán lawng Captain chuan an thih ngei tūr thuin a sawi ṭhaih a, kîr leh mai tûrin a ti a. James-a chuan, *“Heta kan rawn kal hma hian kan thi daih tawh,”* a lo ti a.

BUH HMUN AṬANGIN NORTH CHANDIGARH LAM AW

Zorameni, Evangelist
North Chandigarh
Mobile No: 7896284722



North Chandigarh, Delhi Mission Field-a kan rawngbàwna chanchin hi Zoram mipuite, kan zavaia rawngbàwna a nih avàngin hriat tlàn a ṭhain ka ring a, ka han ziaik ve a ni e.

Chandigarh hi Punjab leh Haryana khawpui a nih bâkah UT a ni a, ama khawpui a ni nghâl bawk. Chuvàng chuan Tri-City tih a ni. Delhi Mission Field chhúnga awm a ni.

Chandigarh hmar lam (North)-ah hian rawngbáwltu - Missionary chhúngkaw khat leh Field Worker (a ram mi) chhúngkaw khat kan bung mék a. Helai huam chhúngah hian 2021 kum tìr aṭangin Synod Mission Board rawngbàwna ṭan a ni a. A tìrah chuan rawngbáwltu chhúngkua bâk inkhâwm tùr pawh kan awm lo; naupangte sáwmin kan inkhâwmpui ṭhìn a, *action song*-te kan zirtír ṭhìn a ni.

Hun a liam a, Sardar (Sikh), Pu Charan Singh, Army
www.mizoramynod.org

retired te nupa hian kan *fellowship* chanchin an lo hria a, kan inkhâwmnaah chuan an lo tel ve zauh zauh a. Lal Isua chanchin an han hriat chian hnuah baptisma chan an duh ta a; mahse, baptisma an chan hman niah chuan Pu Charan Singh-a chu a lungah thisen *block* a awm ta thut mai a. Hospital-ah an tlàn a. Doctor chuan a rang thei ang bera zai ngai a nih thu leh PGIMER Hospital-a *refer* a tum nghâl thu a lo hrih a. Tichuan, PGIMER-ah kalin, doctor-ten zai tùrin an buatsaih nghâl ta rum rum a, a remtihna te an han ziahtír a.

Chutah a inngaihtuah Chiang a. A tûk maia baptisma chang tùr a nih a ngaihtuah a - lo thi palh ta se, baptisma chang lovin a thi

dáwn tih an ngaihtuah chuan a ngai ngam thei ngang lo va. Doctor hnênah chuan zai lo tùrin a ngèn ta a. Doctor chuan zai a nih loh chuan a thi ang tih a hrilh a; mahse, Charan Singh-a chuan “*Ka thih dáwn tho tho chuan baptisma chang lova thih ai chuan, baptisma chang ngeia thih ka thlang zâwk e,*” tiin a rilru a siam fel a.

Doctor-te phalna ni lovin ama duhthlanna Hospital chhuahsan a nih ngeizia lehkha an ziah chu a *sign* thlap a, damdawi in chu a chhuahsan ta a. A tûk maiah chuan kan *fellowship*-ah Pastor Lalhuntharan ni 10 October, 2021-ah an nupain baptisma a chantír ta a. Baptisma a chan hnu hian tûn thlengin Pathian hnathawh a chungah a lang a, lung lam harsatna a nei leh ta lo. Lalpa ropui ber se. Amah hi a lâwm êm êm a, ‘Pathian tána ka tih theih tâwk,’ tiin Sacrament inkhâwm apiangin, inkhâwm zawng zawng tán ruai a buatsaih ziah thìn. Sâwma pakhat a ngai pawimawh êm êm bawk. Hetiang mi, Lalpan kan *fellowship*-a a rawn dah hi

kan lâwm a, amahah hian rinnaah entawn tùr kan ngah hle a ni.

Khawpuia rawngbàwl hi a harsa khawp mai. Mi an hausain, an intodelh a, Pathian mamawhna an nei lo hle. Pathian hmangaihte an nihzia hriattír tùr hian beih nasat pawh a ngai khawp mai - North East mi hi min ngaisáng lêm lo nèn. Mahse thinlung tidanglam theitu, Pharaoh thinlung sak pawh thlâk danglamtu khân engtik niah emaw chuan mi tam takte thinlung a la thlâk danglam ngei ang tih kan ring tlat a. Kohhran nghet a la din ngei kan beisei a, kan theih ang angin kan thawk ve zêl a ni. Pathian hruaina leh awmpuina zarah kum li chhúngin kan *fellowship*-ah hian member 30 lai kan awm ve ta. Mahse ringthar tê tê an la ni a, Pathian thu an hriat pawh a la tlém hle. Ringtharten nghehna an neih zêl nán leh ringlote Lalpa hnênah hruaia an awm zêl theih nán min lo ÷awngtaipui tùrin kan ngèn nghâl che u a ni e.



KRISTA HMANGAIHNAIN MIN TÍR LUI

*Rocky Lalengmawia, Evangelist
Hayuliang, Arunachal & Assam Mission Field 'E'
Mobile No: 8731941339*



Ramtharah hian kan beih mékte hi kan veina lam aiin Synod kal tlanga Pathian min tirhna vanga bei kan nih vek a rinawm zâwk. Hmuh pawh kan la hmuh ngai loh leh dai ngai loh rama mite hi vei thiam chu a harsa khawp mai. A theih loh tlukah ngai ila, mi bíkah chuan thlarau hriattír erawh a awm theih àwm e.

Tûna kan awmna chanchin hi tlém i han thai lang dáwn teh ang. India hmarchhak lamah China nèna kan inrìna *district* a ni a, a kilin a la changkâng lo khawp mai. Synod missionary hi 2016 vèl aṭangin kan indah ṭan a, hma erawh kan la ṭha viau mai. A ram mite hi hnam inpawlh (Nepali, Mishmi, Bengali, etc) an nih avàngin mahni hnam bil ṭawng hman a theih meuh loh; chumi avàng chuan Hindi an hmang mai a, an hman ṭan hun erawh chiang taka sawi theih a ni lo.

Kristianna hi kan unau Baptist (Naga) lam aṭangin an lo hmélhriat ve tawh a; mahse,

inthâwina lam la uar an nih avàngin Kristianna a ṭhang mawh hle.

Kristianna ṭhan ṭhut (*dormant*) thua hian chhan nawi tê tê aṭanga rintlâk tak tak a awm nual a. Chûng zînga pakhat chu Kristianna hi an hre tawh nâin, kan Baptist unau (Naga) lam lo che chhe deuhvin, kohhran hrang hrangin tih dân hran kan neih hre tawh si lovin, Kristian zawng zawng min vaihma ta a ni ber e. Ṭum khat chu in luah tûr ka zawng a, in ṭha vak lo leh lian vak lo ka hmuh chu a neitupa nèn kan inbia a. A tîr lamah chuan kan thu a inhmu viau; a tàwp lamah kan inkhâwm leh ṭawngṭai

thin thu ka han sawi chuan a inah a remchàn loh thuin min chháng ta mai a, mak ka ti hle mai.

Kawng danga hma lâk tumin an naute/fate mamawh ngeia kan hriat, zirna lam hawiin *tuition* te a thlawnin kan han pe a. A tìr lamah an duh khawp mai; mahse, an rilru putzia tak tak a rawn lang leh a. An fate *tuition* rawn kal tha peih lo chu fuih emaw, hrilhfiáh emaw aiin, 'I thu a ni e, sum kan séng chuang lo ve. I duh leh chàwl la, i duh leh kal rawh,' an ti daih! Keini ram ni se, kan bawh ur urin a rinawm.

Kawng dangin, hna-thawh lamin hma kan han la leh a. Kut hnathawk hmuha min hmuh chuan kan thu an ngaithla leh si lo va, a buaithlâk viau mai. Mi mala kawm dáwnin *office* kal leh dawrkai an ni zêl a. A ram mite hian vai dawrkaiho hnêna an pawisa bá pawh an pe tha duh lo va; tin, an pêk pawhin anmahnin àwm an tih zât/an phal zât pawisa pe mai

www.mizoramynod.org

tâwk lah an bo lo. Chûngte erawh chuan kan tán kawng dang a hawng - rinawm taka ba petu chu min duhsak leh viau phah thung si. Hma pawh hi chak taka lâk tuma *direct evangelism*-a nawr chiam chiam aiin *in-direct*-a beih a fuh rih zâwkin a rinawm.

Hma zau zâwka lâk dân ngaihtuahin kan bul vêl khuaah pawh kan kal fo mai. Mahse, Kristiante vêkin Kristianna kan lo tihminghliáu tawh vângin khawiah tak tak mah hian chêt a theih rih lo. Mahse chuti chung chuan (*Baptist missionary-ho an pan thin em kan hre chiah lo nâin*) damna atána tawngtai tûr chuan min pan thin si. Damna neitu chu Pathian a ni tih chu an ring a; mahse, va rina, va pawm tûrah an dah meuh lo a ni rih ber e.

Ei leh bàr lamah vai tuarchhelhovin a fawng an vuan tawh a. Kristian tána rawngbàwlina kawng tha taka lang chu sikul leh damdawi rawngbàwlina lam a ni. Sikul

hi awm nual mah se English Medium a awm mumal lo. Hindi sikul hi an zirtirtute min hrilh dànin 2020 khán Kendriya Vidhyala an rawn inbun ÷an a. Hêngho an insawhngheh hma hian hma lâk theih ni se chu a ziaawm khawpin a rinawm.

Tin, Nurse awm theihna tùra a changtlun hun a nghahhlelhawm hle bawk. Nau nei tùr pawhin Km 100 vèl zet, Tezu an pan tlángpui bawk a. Pharmacy tlém azáwng a awm ve chauh va, he lamah hian kan la hnufual hle. Damdawi lama inenkawl kan neih ÷at ber chu PHC Swami Camp, kan awmna a÷anga Km 3 vèlah a ni a. Khum 200 vèl dah theihna tùra ngaihah hian damlo riak tùr an awm meuh lo a ni e.

Eng le khaw le, Lalpan hna a thawk ang a, hma pawh sâwn tùrin inring ila. An khawtlángah a ram leilung fuh loh vângin leh mi chêng tlém vângin lo neiha eizawn aiin zángnadawmna (*compensation*)-a innghat an ni a. India sorkar hian a duat thatchhia a ni ber.

Zàwi zâwia kan rawng-bàwlnain hma a sâwn theih nán Lal Isuan, ‘...*rúl anga finga, ÷huro anga pawi khawih lovin awm ang che u,*’ tia min chah anga kan awm theih a pawimawh hle. Chutiang taka finga, mit leh beng chhi reng chung leh hmanhmawh lo taka kan beih zèl theih nán kohhran nu leh pa te min ÷awng÷aipui chhunzawm zèl tùrin kan rawn sáwm che u a ni e.



President Lincoln-a kha a ÷hian hnai tak pakhat chuan, “*I hmélmate hi ÷hiana siam i tum hial zâwk em maw ni? I ÷hiante an ni lo; i hmélmate an ni. Tihchhiat tum zâwk ta che,*” tiin a hmélmate laka ném lutuka ngaiin a zilhhau va. Lincoln-a chuan, “*÷hiana ka siam hian ka hmélmate chu ka tichhe zâwk a ni lo vem ni?*” tiin zaidam takin a lo chháng!

BAIRABI BIAL RAMTHAR INKHÂWPUI

Vanlalneli, Evangelist

Bairabi Dinthar

Mobile No: 9436617961



Bairabi Pastor Bial hi Pastoral leh ramthar inkawp kan ni a. Pastoral-ah Kohhran pali awmin, ramthar lamah hian Kohhran puitling pakhat, Branch Church pahnih, Preaching Station pahnih leh Fellowship pathum kan ni. Ramthar lama kan kohhran member-te hi Bru hnam an ni. Thawktu hi SMB hnuaiia thawk te, bial rawih leh thian pãwlho rawihte nèn, kan vaiin thawktu mi pariat kan awm mék a ni. Nikum chhúng khán ringthar Baptisma chang 6 kan nei a; ramthar lamah hian Kohhran member zawng zawng hi mi 720 kan awm a ni.

Bairabi Pastor Bial hian ramthar lama kan kohhrante pualin kum 2018 ațangin Mizo Kohhran te hruaina hnuaiiah ramthar inkhâwpui hi kan nei țan a. Kum khat danah neih thìn niin, tũn țum (2024) hi a vawi 4-na a ni. Tũn țum ramthar bial inkhâwpui hi kum 2024 Bial Inkhâwpuiin, ‘*Bial Standing Committee-te kaihhruainain neih thìn ni tawh rawh se,*’ tia a rël angin *Organising Committee* dinin, ni 25-27 October 2024 khán Gurguti Kohhran Biak Inah hlawhtling taka neih a ni.

Zirtawpni zàn hi mikhual lawm leh *report* hun a ni a. Tin, palai kal zawng zawng hi mi 114 kan ni. Inrinni chawhmaah *cultural programme* hun hman a ni a. Hetah hian kohhran hrang hrang ten an hnam làm mawi takin an entír a ni. Chawhnu lamah infiamna neiin hun kan hmang a, member-te kan phûr tlángin nuam kan ti hle.

Inrinni zàn ațanga Pathianni zàn thlengin inkhâwpui thupui ‘*Pathian hmangaihna*’ (Jn 3:16) chu Speaker, Pu Lalrema, Salem

Boarding hnên aṭangin kan ngaithla ṭhìn a. Zaia rawng-báwl tūra kan sàwm, Pu Lalvenpuia, ET, SHMS New Eden, Tuidam Pastor Bial hnên aṭangin inkhâwm apiangin Pathian fakna hla mawi tak kan ngaithla baw ṭhìn a ni. A bika kan sàwmte pahnih hian kan sàwmna ngai pawimawha hun ṭha tak min rawn hmanpui theih avàng hian an chungah kan lâwm hle a ni. Tin, inkhâwm apiangin kohhran hrang hrang zaipawl zai kan ngaithla ṭhìn. Kan bial zaipawlten kan sàwmna ngai pawimawhin Pathian fakna hla mawi tak min remsak thei a, an chungah pawh kan lâwm tak zet a ni. Inkhâwpui kaltén hlâwk kan ti hle.

Inrinni inkhâwm bànah *fellowship* hun kan hmang a;

Pathianni zànah zai khâwm pui hun kan hmang baw a ni. Memberten kan hlutin kan phûr tláng khawp mai.

Bairabi Pastor bial hruaituten ṭhahnem an ngaiin, an fakawm hle. Bial ramthar inkhâwpui kan neihna tūr hian ngaihtuahna nasa tak séngin, theih tâwp an chhuah a ni. An ṭhahnem ngaihna avànga inkhâwpui pawh hi hmang thei kan ni. Inkhâwpui ṭan aṭanga a tâwp thlengin min ho thei a, an chungah pawh kan lâwm hle a ni.

Inkhâwpui thlengtu, Gurguti Kohhran memberte an tam lo nâin, an ṭang rual a, an thawk rim baw a, mikhual te zo takin min thleng a; an chungah pawh kan lâwm hle a ni.

Ni 25.1.1736-ah chuan Pathian thu hriltu hmingthang tak, John Wesley chu lawngah Moravian missionary (German-ho)-te nèn an chuang ho va. Thâwklekhkhatàh thlipui leh tui fâwn nasa tak a rawn thawk thut mai a. Mi chuangte chu an ṭê chèl chûl mai a. Moravian-hote erawh chuan phílí hauh lovin hlim takin hla an sa a. Mak ti êm êm hian an zínga pakhat chu a va pan a, “*In hlau miah lo vem ni?*” tiin a zâwt chawt mai a. Ani chuan, “*Pathian chu fakin awm rawh se. Hlau lo ve,*” a lo ti a. John Wesley chuan, “*In nupui fanaute pawhin an hlau lo em ni?*” a ti leh a. Ani chuan, “*Anniho hian thih an hlau lo,*” a lo ti leh a.

KUM SÛL LIAM HNU

*Upa Lalhriata
Jubili, Mission Vengthlang
Mobile No: 9863226630*



Tling lo tak chung a Lalpa Grêp Huana kan thawh vena chu kan chhuahsanna pawh kum 20 a lo hnai dâwn ta reng mai. Lalpan kei mi tling lo hman tlâka min ngai ve kha ropui ka ti thìn! Min tawngtaisak thîntuten in tawngtâina kha a thlawn lo tih in lo hriat thar leh nân kan rawngbâwlina chanchin tlém te han mualphopui ve ila ka ti ta a. Mi pakhat tal pawhin a lo sâwtpui hlah phei chuan a va làwmawm dâwn êm!

Lalpa Grêp Huana kan pên luh phat khân khawvêl ropuina leh nawmsakna hawisan tûrin kan inpe a ni tih chu kan hre theuh ang a. Kan kawng thlanah khân retheihna leh hrehawm tam tak pal tlang tûr kan nei mai thei tih chu a Chiang mai a. Mahse kan thlang a, Lalpa rinchhanin zâm lovin kan kal ve zêl a nih hlawm kha.

Marpara-a kan han lût ve kha, malsawm fanaute vâng ni bawkin, hlawh lâk ni hian lâk tûr nei ve lova hming ka *sign* tâk tawp tûm kha a awm ve leh zauh thìn a. A tûkah *compound* nuhovin kan nu

kha *bazar* tûrin an han sâwm ve thìn a. Hlawh lâk tûk a ni miao va; amaherawhchu, kan tán chuan hlawh lâk tûk a nih ve loh châng a awm thìn. Mahse hrehawm kan ti êm êm pawhin ka hre lêm lo. Tawngtaisaktu nei lo ila, mihring tîsâ tak chuan phûr ila, khatiang rilru zângkhâi kha kan pu thein ka ring miah lo.

High School-a kan kal laia kan Headmaster-in “*Retheia inhriatna hi retheih-na a ni,*” a tih te kha a lo dik thui hle àwm e. Mi chuan sum a ngah emaw, ngah lo emaw, retheia a inhriat tlat chuan a rethei mai dâwn a lo ni.

Retheih leh hausak hi sum leh paiah ni ringawt lovin thinlung lamah daih hian a lo awm niin ka hre ta.

Kum 2000-a *Pastoral Ministry* hnuaiä kan awm ve khán a hminga *graduate* ni ve chin chu kei deuh chauh kha Home Mission-a khawtáng ka ni mai thei e. Chuvàngin, kan fate pawhin ÷awng dang thiamna ‘*chance*’ an nei ve ta vak lo va. Sorkar hna dil thua pawh mite an tluk thei ta vak lo a ni. Mahse Pathian hi a ÷a khawp a, an phák tâwk hna chu an thawk ve ta ÷euh tho mai. Hei pawh hi Pathian malsàwmna liau liau a ni a, làwm thu sawina tùr hliir a lo ni mai. Pathianin rethei bakberh lutuka kan awm a phal bík miah lo!

Khatih laia kan Mission Board Secretary khán, “*Kha, ram páwna transfer kha i rawn díl ve miah lo va,*” min ti a. Díl theih tih pawh ka hre lo va, díl lah ka tum hek lo. Duhna hmun thlang ila ‘*Kraws tlànchhiatsan*’ nih kha ka hlau thìn. Rin anga chu hmun chu a lo nawm leh loh pheih chuan

Pathian lakah a inthlahrunawm duh ngawtin ka ring ÷hìn a ni.

Tih tak takah chuan hmun nuam bík hi a lo awm chuang lo ve. A thu áwiha, amah nèn kan inhnaih tlatna hmun apiang hi hmun nuam chu a lo ni ber mai. Thinlunga Kristan hmun a chan loh chuan khawi hmun mah hi nuamin ka ring lo.

Vawi khat chu Marpara-a *Headmaster* hna ka zawm tirh khán kan thawhpui pakhatin min hmélhriattir a, “*Hei kan pu a nih hi,*” a ti a. Ka rilru chuan, “*In pu ka ni lo asin. Hetah hian in pu ni tùrin ka lo kal lo va; in rawngbàwlpui ni tùra lo kal mai ka ni e,*” ka ti a. Mahse ka sawi chhuak lêm lo. Hotu nih ai chuan rawngbàwlpui niha, rawngbàwl ho dial dial kha a hlu ber maiin ka hre si a.

Headmaster hna ka han chelh ve ta chu, tlin lo ka intih êm avàngin ni khat chu kal pah hian ka rilruin ka ÷awngtai a, “*Lalpa Head hna hi chu ka tlin ngang lo a ni, ka tlin*

tâwk deuh hna min pe teh,”
ka ti ta tawp mai a.

ta mai kha min ÷awngtaisaktute
vàng tih loh rual a ni lo.

*“Hriata, a tlina tlin
thuah chuan ka hnaah hian
tlin tâwk rêng rêng i nei lo.
Ka hna hi chu hna thianghlim
a ni a. Náng chu mi sual
bawlhhlawh mai i ni,”* min ti
hian ka hria a. *“Chuti si
engah nge min thlan si?”* ka
tih leh chuan, *“Ka khawngaih
êm che avàngin ka thlang mai
che a ni,”* min ti hian ka hria
a. Ni e, dár vuak mai mai te
chu tlin ve deuhin ka lo inring
ringawt a. Mahse Kohhran
dár, dár thianghlim vaw tùr
khán ka kut bawlhhlawh kha
a lo tling rêng rêng lo tih te
ka ngaihtuah ta a! Hna
thianghlim thawk tùra kei mi
bawlhhlawh min thlang hi
khawngaihna vàng liau liau a
lo ni, a chhan dang rêng a lo
awm lo ve tih kha a lo fiah ta
êm êm mai a ni. Khatianga
tling lo tak chungah kan
rawngbàwlina tlàwmsan lova
kan han hlen chhuak ve thei

Tûnah chuan koh kîr rual
lohvin a liam ta vung vung
mai. Han thlir kîr chángin,
*“Khati deuh khán lo ti ta zâwk
ila aw,”* tih tùr a tam mai le.
Mahse a theih tawh loh, a liam
tawh. Tûna la bung mék, kan
pasalthate ka chah duh chu,
*“I hun a la liam ve dáwn.
Chutih hunah chuan i
rawngbàwlina han thlir kîr ve
la, siam ÷at ngai i hmu ve
thluah mai ÷ei asin. Tûna siam
÷a ÷ei dinhmunna i la din lai
hian, siam ÷at ngai i lo nei
ve a nih hlauh chuan, a theih
chin chin chu siam ÷at ngei i
lo tum dáwn nia aw; a hun a
liam tawh chuan tih ngaihna
a awm tawh si lo,”* tih hi a ni.

Tichuan, Pathian remruat
ang zêla vãn kohna kan chhàn
hunah

*“Hlim takin kan haw ang
Kan buhphal kengin,”* tih hi
a lo thleng dik dáwn zu nia!

[Kan ngenna ngai pawimawha a tawnhriat ngaihnaawm tak a rawn
ziah avàngin Upa Lalhriata chungah kan lâwm hle. Kohhranhote
leh missionary-te tán a ÷angkai hle ang tih kan beisei. - **Editor**]

PATHIAN HNAIH

R. Nelsona

Mission Veng, Aizawl

Mobile No: 9612163791



Masihi Sangati-ah hian tual chhunga rawngbáwlin kum 34 ka lo tel ve ta a. Ramthar Buh hmun chanchinte hi ngaihnaawm ti takin ka chhiar thìn. Thlarau bo zawnnaa kan mamawh tak nia ka hriat ka han ziak ve teh ang. *'Keia tán erawh zawng Pathian hnaih hi a tha a ni'* (Sâm 73: 28).

Mihring kan hmangaihte chu kan hransan hlat poh leh kan ngai a, kan khua an ti har tlat a, an kianga awm châkin kan lung a léng a, kan taksa leh rilru pawhin a tuar phah hial thìn. Kan inhmuh vêleh kan ngaihna chu a reh hlahu thung a, hlim takin kan inkàwm thìn a nih hi. Pathian erawh chu chutiang a ni ve hauh lo, mihring ngaih nê chuan chhim leh hmar angin a inpersan hlahu thung. Lalpa ngaitu apiangin an hnaih a, a hnaihtu apiangin an ngai zual zêl a, an ngaináin an hmangaih tial tial a, hnaih zêl an duh a, an páwl a, an be pawp reng a; inpumkhatin, ni tin nun hruaituah an hmang thìn. An thlahlel a, an kalsan leh phal tawh ngai lo;

Amahah chuan hlimna, làwmna, thlamuanna leh nunna a awm tih an hria a, chu nun ropui tak chu Lalpa kianga chèn chungin a rawng an báwl thìn.

Lalpa hlattu erawhin a mihring hmangaihte a hlat vânga a ngai thìn ang kha ni lovin, a hlat hret hret chuan a ngaihna a hniam hret hret a; a hlat zawh poh leh a ngai lo tulh tulh a, amah zâwkin a kal bosan ta nge nge a, boral-naah a intulût thìn a lo ni.

*Ngai teh, nangmah hlata awmte chu an boral dáwn si a;
A uirèsantute chu i tiboral ta a.
Keia tán erawh zawng Pathian hnaih hi a tha a ni*

(Sâm 73: 27-28).

Kristiante chuan Pathian hnaih hi a ṭha kan ti vek ang; rawngbáwltu tán ngat phei chuan a ṭûl leh zual. Eng chenin nge kan hnaih tih erawh kan mawhphurhna a ni thung. Pathian kan hlat chuan amah ngaihna leh a lama lunglènna te, hnaih zêl chákna te a bo zêl tih kan hria. Kan hnaih zawh poh leh hlimna, làwmna leh thlamuannain kan khat ṭhìn a nih hi. Pathian hnaihthu zawngchhang lo an awm ngai tlat lo; chu chuan hnaih a ṭhatzia a ti lang a ni.

Eng chenin nge Pathian kan hnaih? Kan nun han chhût létin, han en lét ila, kan hnaih chen chu keini aia hre dik zâwk tû mah an awm lo a nia. Hlâwkpuì tham ni lo, a laklawha Pathian lam hawi a awm ve; chu chu Mizo Kristian tam zâwk dinhmun a ni hial ang; rawngbáwltu zíngah pawh kan awm fur lo maw? Kristiante tih àwm ti ve ṭhìn, an nuna bet tel leh an thinlung luahtu ni phâk si lo, a huna tel ve tawp, mawh phurhna pêk apiang hlen ve zêla ngaih ti ṭha ve ngawt hi

www.mizoramynod.org

kan tam àwm a nia. Tu mahin min hre hrang bawk si lo, mahni a inbum thui theih khawp mai; Missionary hna ngei ngeiah pawh hei hi awm thei tho a ni, inen lét ṭhìn ang u.

Zirtír hna kan thawk a nih pawhin, a hminga Class lâk hun hlen ve mai theih a ni. Ṭhahnem ngaihna tak tak, naupangte duhsakna tak tak nena thawh chu a dang daih a; hmangaihna hna thawh a ni ṭhìn. Evangelism-ah pawh, ring lo mite hnêna Chanchin Ṭha kan hrilin, ṭhiante leh hruaitute rawtna anga kal ve ringawt theih a ni. Thinlung taka, min tírtu hre reng chungah thawh chhuah erawh a hlâwk bîk a, mahni pawhin nuam kan ti a; Pathian kan hnaih phah ṭhìn.

Eng chenin nge Pathian hnaih tûr en ang aw.

A puan hmawr dek phâkin (Luka 8:43-48): He hmeichhia hi a thi a pût rei tawh si a, a dawldángin a chak lo hle tawh ang. Mipui tam tak zíngah ni sen sa

hnuaiah lehngghâl, chakna a neih chhun chu a beisei tlatna leh a tum ruhna chauh a ni tawh ngei ang. Isua hmu ve phâka thlîr te, a thu sawi hre ve phâk nihte a duh tâwk lo; a puan hmáwr deh ngei tumin, chau chung chungin a hnungah a ûm ve ʔauh ʔauh a ni. A tum ruhzia hi a va ropui êm! Pathian hnaihtîrtu a ni. Isua hmuh loh hlâna amah aʔanga thil tih theihna chhuahtîr theitu awmchhun a ni tlat mai!

A hnaih theih ang bera awm a tum tlatna khân a duh ber damna a thlen ta a nih kha, a va lawmpuiawm êm! Kan mammawh tak hmu tûr leh rawng kan bàwl hlawhtlin theihna tûrin a puan hmáwr dek phâk ngeiin i hnaih ang u. A ʔanpui phâk loh aʔanga rawngbàwl chu a sâwt hauh lo vang.

A ʔatna tem phâkin:
‘Aw Lalpa ʔatna chu tem chhin teh rêng u; Amaha rinna nghattu chu a eng a tháwl e’ (Sâm 34:8). Hetah hian inteh ila a Chiang Khawp

mai. A ʔatna tem phâkin ka hnaih em? Hlim leh làwmnaah chuan kan âw thei ʔeuh. Mahse, lungngaih mangannaah, tuar a tûlna hmunah Lalpa ʔatna kan tem phâk meuh em? Eng harsatna pawh kan chung a thlen laia kan eng a tháwl zo lo a nih chuan, Pathian kan hnaih tâwk lo tih hre chhuak ila, a hnaih thei ang berah bèl ang u le; chutah chuan engthàwlna a awm asin.

‘Aw a mi thianghlimte u, Lalpa chu ʔih rawh u; Amah ʔihtute tán chuan tlakchhamna rêng rêng a awm si lo. Sakeibaknei vànglaite chu an tlachhamin an ril a ʔam ʔhìn a, Lalpa zawngtute erawh chuan thil ʔa rêng rêng an tlachham lo vang’ (Sâm 34:9-10).

Mamawh chu kan nei reng tiraw? Awh zâwng te, duh zâwng hrim hrim phei chu dam chhûngin kan nei dáwn. Mahse, hêng awh leh duh zâwng nazawngte neih loh hi tlâkchham a tling lo. A tel lova kan awm theih bau si

loh tlâkchhamna tak takah chuan manganna a inrawlh thìn. Chumi hunah pawh chuan, Lalpa bèl hnai rengtu, a thatzia tem phàktu, Amah ùhtú tán tlâkchhamna rêng rêng a awm lo; hei hi Pathian thú a ni.

Kan tlachham tak tak a ni thei, mahse, a neitu kiangah kan awm tih hre chhuak ang

u; kan mualpho hauh lo ang. Kan nei lo tak tak a ni thei; mahse, a neitu kan hnênah a awm tih hre chhuak ang u. A tel lova kan awm theih lohna tel lovin, lungawi tak siin min awmtír thìn asin; chu chu a ni, tlâkchham rêng rêng awm lo chu! Tlâkchham hre lo khawpin Pathian hi i hnaih ang u. **Keia tán zawng, Pathian hnaih hi a tha a ni.**

BALIGHAT BIAK IN HAWN THU

*Lalthantluanga, Secretary
Falkland Ramthar Committee
Mobile No: 9775656852*



SMB Project List 2024 aţangin Ramthar Committee chuan ‘Khawi hi nge kan chhàn ang?’ tiin kan ngaihtuah a. Kan thu tlûkna ber chu Udharbond Pastor Bial chhúnga mi, Balighat Kohhran Biak In sakna tùr ₹ 3,00,000 chu chháng tùrin thu kan titlu ta a ni.

A thawh khatna: Ni 30.3.2024 khán Silchar panin kan liam thla a; Pathianin dam tak leh tuang takin min hruainaah làwm thu kan sawi e. A tùk hi Easter Sunday a nih avàngin Balighat hmunah hmang tùrin kan zing chhuah a. Tùkthuan ei tùr min lo buatsaihsak a; ringtute leh

thawktu chhúng hnihte nèn tùkthuan chu hlim tláng takin kan kíl ho va. Balighat hmunah hian Evangelist, Pu T. Thangkhawluna te, Pu Isak Vànlpêka te leh Pi Lalrinzuali te an thawk mék a ni. Biak In sak dàn tùr te sawi hovin hun kan hmang a; tlai lamah Udharbond

Pastor Quarters-ah Easter Sunday ruai an lo buatsaih chu min sàwm angin tlai dár 3:00-ah ruai chu kan kílpuí a. Puar taka ruai kan ðeh zawh hnuin Silchar panin kan phei leh a ni. Rev. Lalbiakvulmawia te, Pu V. Vànlalvuana te, Pu Khawl-remliana te leh Pu Lalthantluanga te an kal a ni.

He Biak In sakna atán hian Pu Kailiana Ralte-in sum ðahnem tak kohhranah a rawn hlàn a; tin, Kohhran Committee-in kan indaih lohnate min phuhrûksak a, kan lâwm hle a ni.

A thawh hnihna: Ni 2.11.2024 khán Silchar panin kan liam thla leh a ni. Rev Lalbiakvulmawia te, Pu H. Sangliana te, Pu Khawlremliana te leh Pu Lalthantluanga te an kal a ni.

Project chhàna ₹ 3,00,000 kan pèk tlâk tawh hnuin an la sak zawh theih loh avàngin an sak zawh theihna tùr sum pèk zèl an nih tùr thu Chairman, Rev. Lalbiakvulmawian a hrilh a. An thawn thlâk hnuin an tlin

www.mizoramynod.org

tâwk ang chu an peih fel ve ta a ni. Biak In (30x21 ft) bathlâr hi 10 ft-a zau a ni. Pu H. Sangliana hian an Biak In sak lai, a chhúng *plaster*-na tùr *balu* meter thum lai leina tùr a pe a, a chungah kan lâwm hle.

A thawh thumna: Ni 14.12.2024 zíng dár 6:30-ah Rev. Lalbiakvulmawia te inah inngâk khâwmin, Pathian hnênah Upa C. Lalthangvela a ðawngtâi a, kan tum ram lam panin dár 7:00 rík hma hretin kan chhuak a. Ramthar Committee member mi pakua leh driver pakhat nèn mi 10 kan kal thei. Mi inphalten an motor thawhin dam takin Pathian hruainain Silchar Mission Compound chu tlaiah kan thleng thei a, kan lâwm hle. Lalpa chu fakin awm rawh se.

Biak In hawn programme

A hun: Ni 15.12.2024 Chawhma dár 10:30-11:00

Hawngtu: Rev Lalbiakvulmawia, Chairman, Falkland Ramthar Committee

Chairman: Rev Jayanta Marak, Bialtu Pastor

Reports: Secretary, Balighat Kohhran & Secretary, Falkland Ramthar Committee

Thuhriltu: Rev. Lalbiakvulmawia

2. Sangha rêp khâr chhâwngin committee member-ten kan zuar a, chumi aţang chuan *project* hi kan tlin ve thei hrâm a ni.

Heti chung hian sum hman bâng tlém azáwng chu a la awm thei a, kan lâwm hle bawk.

Falkland Kohhran Ramthar Committee aţangin Balighat Biak In hawng tûr hian hêng mite hi an kal: Rev. Lalbiakvulmawia, Pu TBC Tâwkliankapa, Pu H. Zalawra, Pu H. Sangliana, Pu Khawremliana, Pu Lalzui-liana, Pu Zaihmingthanga, Pu Vânlalsaia, Pu Lalthantluanga leh Tv. Awma (Driver).

A tàwp ber atán: A bul aţanga a tàwp thlenga harsatna awm lova min hruaitu Pathian hnênah lâwm thu kan sawi e. Kohhran te, Ramthar Committee te, Biak In sa puitling thei tûra thâ leh zung séngtu zawng zawngte chungah lâwm thu kan sawi tak meuh meuh a ni e.

Sum tuak dân:

1. Special Ip Feb, May, July, Sept, kum khat chhúngin hemi thla chauh hi mi mal/ kohhran member thlan chhuah bîkte hnênah sem a ni thìn.

Biak In hawnaa kalte kan hlim tlángin nuam kan ti tláng hle mai. Ramthar zin hlâwkzia te kan hriat phahin a zawngchhang tlâk kan ti hle. Pathian chu fakin awm zêl rawh se.



“Ka dam lai ngei hian kan Lalpa hi lo kal sela, ka lallukhum hi a ke bula hlan ka va châk êm!”

- Queen Victoria (1837–1901)

RAMTHAR FEH

1.

1. **Field hming** : Cachar Tlangram
2. **Khua** : Manikbond
3. **Tlawh hun** : Ni 8-11.11.2024
4. **Tlawhtu** : Champhai Kanan Kohhran Hmeichhia
5. **Kal zât** : Mipa - 2; Hmeichhia - 16
6. **Tlawh Chhan** : Thawktute leh kohhran tlawh chhuah
7. **Sum hman zât** : ₹ 2,08,380
8. **Kalkawng:** Ni 8 (Zirtawpni) zing dár 5:30-ah Vice Chairman, Pi C. Thanzualin ÷awngtaia min thlah a. Rev. Vanlalliana Sonset leh Upa H. Lianvela, Representative, Kohhran Hmeichhia hovin tuang taka kalin, zàn dár 9:00-ah Manikbond kan thleng a. Rev. Zaihna hovin thawktute leh Kohhran Upaten min lo hmuak a, KṚP-ten zanriah tui tak min buatsaihsak bawk a, KṚP-te chungah kan lâwm hle a ni.

9. Làwmawm lam: A tûkah Rev. Zaihna hovin thawktute kaihhrainain kohhran pakua kan tlawh a, ₹ 10,000 ÷euh kan pe. Kohhranhote tána kan thawmhnaw kente sem nghâlin, thawktute *quarters* kan tlawh chhuak vek a ni. Pipla Kohhrana damlo, thawktuten an enkawl mék chu ₹ 8,000-in kan ÷anpui bawk.

Pathianni chawhmaah chuan insem darhin kohhran pakuaah hun kan hmang a. Chawhnuah chawhnu inkhâwm nei chhun, Lang Khan Phong Kohhranah kan vaiin kan inkhâwm a, Rev. Vanlalliana Sonset-in '*Ka Thlarau zâwkin le*' (Zakaria 4:6) tih thupuia hmangin Pathian thu chah a sawi a, hlâwk kan inti hle. Zànah Manikbond Pastor Bial chúng Kohhran mipuite nèn Bial Station-ah kan inkhâwm ho va. Rev. Vanlalliana Sonset-in '*Ram lah chu lâk tùr a la tam hle si a,*' (Josua 3:1) tih thu hmangin Pathian thu chah a sawi a, thinlung a khawih hle.

9. Report t̄ul dangte:

1. Manikbond hi Karimganj district chhúnga awm niin, Champhai at̄angin Km 339-a hla a ni.

2. Manikbond Kohhran hi kum 2001-a din t̄an niin, mumal taka kalpui chu kum 2004 a ni.

3. Manikbond Pastor Bial chhúngah hian kohhran pakua (Kohhran puitling panga, Branch Church pathum leh Preaching Station pakhat) a awm.

4. A mi chēngte hi Chorai, Ranglong leh Bru te an ni. Chorai hi in 200 v̄el awmin, chūng zínga in 120 chu Kristian an ni a, a dang chu Buddhist leh pi pu te sakhua biain an la awm a; t̄awngt̄aipui an ngai hle.

Ngaihtingi, Kohhran Hmeichhe ziaktu

2.

1. Field hming : Home Mission South

2. Khua : Tuidangchhuah

3. Tlawh hun : Ni 11-18.11.2024

4. Tlawhtu : Serchhip Hmar Veng Kohhran

5. Kal z̄at : 17

6. Tlawh chhan : Hnathawh

7. Hna thawh : Biak In (44x24 ft) zauh

8. Kalkawng: Tuidangchhuaha kan kohhran enkawl lai Biak In zauh (extension) hna thawk t̄urin ni 11 (Thawht̄anni) z̄ing d̄ar 6:00-ah kohhran mipui eng emaw z̄at leh Upa H. V̄anlalhruaia, Kohhran Chairman-in t̄awngt̄aia min thlah hnuin kan chhuak a. Tuidangchhuah (Km 295.4-a hla) chu panin, TNT, Hrangchalkawn Hotel-ah t̄ukt̄huan eiin, Tuidangchhuah khua chu z̄an d̄ar 9:40-ah kan thleng a. Kohhran mipui leh missionary (Evangelist Teacher) pathum ten hlim taka min lo dawngsawngin zanriah tui tak min lo buatsaihsak a, kan tlai hle. Zin kawng thuiin chau hle mah ila, kohhran mipuite min lo dawnsawn d̄anin a zir bawk a, hah a dam sawng sawng mai.

9. Làwmawm lam: A tûk zing kár aţangin Biak In zauh hna chu ngawrh takin kan thawh a. Biak In sir tawn tawnah feet 6-in a zauh hna hi kan thawk a ni. He kohhranah hian member 300 vêl leh Evangelist Teacher pathum an awm a, kohhran Upa pathumin an enkawl mék a ni. Work Camp-a kalte leh a hmuna awm kohhranhoteh pheikhai rual taka Biak In zauh hna thawkin, ni 16 (Inrinni)-ah a zualpui chu kan thawk zo a ni. Tuidangchhuah hi Tuithumhnar Pastor Biala awm a ni a. Bialtu Pastor leh Pro Pastor-ten bial fangin, Pathianni min chàmpui a, Pathianni chawhma inkhâwmah Lalpa Zanriah Sakramen buatsaih a ni. Chawhnu lamah inkhâwm a awm tawh loh avàngin Work Camp-a kalten lawng pahnih hmangin, ‘Lungmawi’ (*Castle of Beino*) an tih, lar êm êm chu kan tlawh.

Thawhtanni zing dár 6:30-ah Tuidangchhuah Kohhran mipuiten kan haw tûr hi min thlah liam a. Zochachhuah lamah kualin Zochachhuah-ah hian *order hotel*-ah tûkthuan kan ei a. Tluang taka tlân zêlin zàn dár 8:00-ah kohhran mipuiten hlim taka min lo hmuahna kan kohhran, Serchhip Hmar Veng Kohhran chu dam takin kan thleng leh ta a ni.

Upa P.C. Lianhnuna

3.

- 1. Field hming** : Home Mission South
- 2. Khua** : Zawlpui
- 3. Tlawh hun** : Ni 18-25.11.2024
- 4. Tlawhtu** : Hunthar Pastor Bial
- 5. Kal zât** : Mipa - 11; Hmeichhia - 4
- 6. Tlawh chhan** : Hnathawh
- 7. Hna thawh** : Headmaster *qtrs.* sak chhonzawm
- 8. Kalkawng:** Ni 18.11.2024 zing dár 7:45 velah Hunthar Company péng aţangin kan chhuak a. Niléngin kan tlân a, kalkawngah harsatna a awm hran lo. Zàn dár 8:45-ah Zawlpui kan thleng a. Thawktuten Headmaster, Pu Saidingliana Sailo

hovin zanriah nèn min lo dawngsawng a. Inhmélhriattirnate neiin, zanriah kan ei a, a hahdamthlâkin, kan tlai hle.

9. Làwmawm lam: Kum 2024 Pastor Bial Inkhâwmpuiin a rèl anga kan *Work Camp* thei hi kan làwm hle. Hunthar - 6, Rangvamual - 4, Phunchawng - 5 kan ni a. Bialin hetiang hian hruaitu a ruat a: *Leader* - Upa Lalchungnunga, Bial Secretary (Sr) leh *Treasurer* - Upa T. Vànlawma.

Kan *Leader* chuan, “*Zíng dár 5:30-ah thingpui in tùr a ni a, dár 6:00-ah hna òan tùr a ni,*” tiin thupèk a han chhuah nghâl a. A huphurhawm hlein a lang nâ a, a tùk zíng dár 6:00-ah chuan kan ri tluar tluar tawh a, a hlimawm ngei mai. Chutiang zêl chuan tùk tin dár 6:00-ah hna òanin, thim hmulah kan báng òin.

Headmaster quarters (36x36 ft) hi a ruagám, ruhrel lo awm tawhin, a inchnun hlân sa vek a ni a. Dichúm vuahin rangva kan chih nghâl a; a ni thumna (Ningani)-ah chuan zo felin, *ceiling* tùr rel kan vuah nghâl a ni. *Ceiling* tùr hi eng mah neih sa an nei lo va, *silpoulin* zàr mai an lo rilrùk a. Kan sum dinhmun ngaihtuahin, ‘*Tile leisaka hman ni se,*’ tiin kan *leader*-te nèn kan sawi ho va. Remcháng takin Lunglei àtanga Pastor lo haw tùr a awm hlauh va. Kan chah a, *ceiling* atán an beisei phâk chiah loh, *tile* kan hmang ta a ni. Tichuan, *ceiling* chu hmanraw awm ang ang chuan kan siam a. Zirtawpni chuan chawhnu herah hna kan thawh theih àwm chu kan thawk zo a ni mai e. Hmanruain a daih chiah loh avàngin *ceiling* hi duh angin kan zo fel thei ta lo a ni.

Kan òhalaite an hah hle nâ a, tu man hah leh nin thu an sawi lo. Hlim tláng takin he *Work Camp* hi ni 25.11.2024 chuan thawktute nèn inthlahlel tak chungin kan inòhen ta a. Hemi ni tlai thim hmulah him tak leh hlim takin Aizawl kan lo thleng leh ta. Lalpa chu fakín awm rawh se.

Upa T. Vànlawma, Team Sum Enkawltu



PUN BELHNA 2025

SI. No.	FIELD	HAWN KUM	JANUARY
I. HOME MISSION			
1	Home Mission North	1949	6
2	Home Mission South	1987	16
3	Masihi Sangati	1979	406
4	Cachar Tlangram	2023	
II. NORTH EAST REGION			
1	Arunachal & Assam Mission Field 'E'	1991	7
2	Arunachal & Assam Mission Field 'N'	2016	3
3	Arunachal & Assam Mission Field 'W'	2001	25
4	Assam Mission Field	2008	1
5	Barak Area	1975	
6	Karbi Anglong Mission Field	1989	22
7	Tripura Mission Field	1986	123
III. CENTRAL REGION			
1	Calcutta Mission Field	1988	36
2	Delhi Mission Field	1988	13
3	Jharkhand Mission Field	2008	28
4	Lucknow Mission Field	1999	
5	Odisha Mission Field	2016	14
6	Patna Mission Field	1999	10
7	Siliguri Mission Field	1988	20
IV. RAM PAWN			
1	Cambodia	2010	
2	Nepal Mission Field	2000	11
BELH KHAWM			741

RAMTHAR MAN PÊK DÁN



Bank Transfer hmanga pe duh tán a hnuai Account Number tár lanah hian a pêk theih bawk e.

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

Ramthar man pete chuan an pêk veleh
WhatsApp No. **8974694225**-ah inhriattír ni se.

**SHORT COURSE MISSIONARY TRAINEE-TE
NI 14 JANUARY – 21 MARCH, 2025**



THU (Vei lam atangin) : Lalzamliani Pachuau, Lianthangpuii, T. Lalnuankimi, Lallawmkimi, Zohmangaihi, Hmangalhtharzeii, Rosangpuii, Jenny Lalremsangi, Lalthanmawii Hrahsel, Ramngaihzuai Ralte

DING

: R. Rodingliana, H. Lalneihthanga, Lalremtiuanga Zote, David Lalremsanga, Thangngaihchin, H. Lalzakzuala, R. Mangthanmawia, J. Vantlaidika, H. Lalnummawia, Lalramdinthara, R. Zoramdina

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,
